

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 251483 24 St
Zenica, 17.04.2025. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupka nad imovinom stečajnog dužnika Društvo za proizvodnju, trgovinu, transport i usluge „MEDNA ROSA“ d.o.o. Jelah-Tešanj, ul. Braće Kotorić broj 10, Jelah, Tešanj, nakon ročišta za utvrđivanje uvjeta za otvaranje stečajnog postupka održanog dana 17.04.2025. godine u prisustvu privremenog stečajnog upravnika Vehab Harisa, dana 17.04.2025. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujam za obezbijedenje troškova stečajnog postupka u iznosu od 5.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujam sud će po prijedlogu privremenog stečajnog upravnika zaključiti stečajni postupak nad društvom Društvo za proizvodnju, trgovinu, transport i usluge „MEDNA ROSA“ d.o.o. Jelah-Tešanj, matični broj subjekta upisa 43-01-0412-13 (stari broj: 60-01-0170-10), te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 St 251483 24 St od 18.11.2024. godine, pokrenut je prethodni postupak radi utvrđivanja uvjeta za otvaranje stečajnog postupka nad stečajnim dužnikom Društvo za proizvodnju, trgovinu, transport i usluge „MEDNA ROSA“ d.o.o. Jelah-Tešanj, ul. Braće Kotorić broj 10, Jelah, Tešanj.

Na ročištu za ispitivanje uvjeta za otvaranje stečajnog postupka održanom dana 17.04.2025. godine, privremeni stečajni upravitelj je ostao kod svog Izvještaja od 12.12.2024. godine, te izjavio da je prilikom obilaska sjedišta društva utvrdio da na poslovnim prostorijama i prostoru ispred poslovnih prostorija nema natpisa koji bi upućivali na to da je na toj adresi sjedište društva i da stečajni dužnik tu obavlja poslovne djelatnosti. Navodi da je iz razgovora sa direktorom društva, kao i na osnovu raspoložive dokumentacije, utvrdio da je društvo osnovano 2010.godine, da je primarna djelatnost društva bila trgovina voćem i povrćem, da je poslovanje u potpunosti obustavljeno, da je posljednje poslovne aktivnosti društvo ostvarilo u 2019. godini, da direktor društva nije u radnom odnosu i da društvo nema ni jednog zaposlenog radnika, da društvo ima jedan transakcijski račun koji je blokiran radi nemogućnosti društva da izvršava svoje dospelje novčane obaveze, da društvo ima iskazan dug po osnovu javnih prihoda, da je za 2023. godinu sačinjen godišnji finansijski izvještaj koji je dostavljen nadležnim institucijama, da društvo nema vlastito knjigovodstvo, a nema ni zaključen ugovor sa knjigovodstvenom agencijom za obavljanje računovodstvenih poslova. Dalje navodi, da je iz Bilansa uspjeha za period od 01.01.2024.godine do 31.05.2024.godine utvrđeno da u navedenom periodu društvo nije ostvarilo nikakve poslovne prihode, da su poslovni rashodi, dobit društva i

gubitak društva za navedeni period iznosili 0,00 KM, iz čega proističe da je društvo na kraju izvještajnog perioda ostvarilo ukupan rezultat od 0,00 KM. Identičan poslovni rezultat društvu je ostvarilo i u periodu od 01.01.2023. godine do 31.12.2023. godine. Dalje proizilazi, da društvo nema ostale kratkoročne imovine, nema zaliha, sirovina, materijala, roba, gotovih proizvoda, niti ima potraživanja od kupaca, nema dugoročne imovine, nema postrojenja, opreme, namještaja, transportnih sredstava, nematerijalne imovine, niti ostale dugoročne imovine, te da ukupan kapital društva iznosi 0,00 KM. Navedeno stanje društva je bilo identično i u 2023. godini. Iz Bilansa stanja na dan 31.05.2024. godine, proizilazi da obaveze društva iznose ukupno 75.838,00 KM koje se sastoje od kratkoročnih obaveza u iznosu od 75.838,00 KM, a odnose na ostale obaveze uključujući i razgraničenja u iznosu od 75.838,00 KM. Iz Uvjerenja Porezne uprave F BiH, Porezna ispostava Tešanj br. 13-4/4-12-5-3-541/24 od 02.04.2024.godine proizilazi da stečajni dužnik na dan 02.04.2024.godine ima iskazan javni dug po osnovu javnih prihoda u iznosu od 75.837,53 KM. Društvo nema iskazanih obaveza prema dobavljačima, a nema iskazanih ni dugoročnih finansijskih obaveza. Dalje navodi, da društvo za period od 01.01.2024.godine do 31.05.2024. godine društvo ima knjigovodstveno iskazanu kratkoročnu imovinu u iznosu od 75.838,00 KM koja se sastoji od ostale imovine i potraživanja, uključujući i razgraničenja, a iz Dopisa certificiranog računovođe Milenović Raze od 14.04.2025. godine koja je sačinila finansijske izvještaje proizilazi da je knjiženje kratkoročnih obaveza u iznosu od 75.838,00 KM u finansijskim izvještajima provedeno preko konta aktive na Vremenska razgraničenja i konta pasive Obaveze za poreze i doprinose, da su obrasci za finansijske izvještaje propisani od strane Agencije FIA i ne mogu se mijenjati, da su zbog toga ove obaveze kao Ostala imovina i potraživanja uključujući i razgraničenja svrstane u kolonu AOP 060 kao ukupna imovina, te da je navedeni iznos trebao biti knjižen samo kao kratkoročne obaveze, a ne i kao imovina, ali je zbog specifičnosti kod knjiženja na finansijskim obrascima navedeni iznos od 75.838,00 KM iskazan i kao imovina. Uvidom u Potvrdu ASA banke d.d. Sarajevo od 13.08.2024. godine vidljiv je da društvo na dan izdavanja potvrde nema sredstava, da su evidentirane aktivne blokade (ukupno 7 blokada) u ukupnom iznosu od 70.501,03 KM, od kojih je prva od 08.03.2019.godine. Šest blokada se odnosi na dug prema Poreskoj upravi po osnovu javnih Prihoda, te se jedna blokada u iznosu od 5.402,64 KM odnosi na potraživanje ZDK prema stečajnom dužniku.

Obzirom da je račun stečajnog dužnika prvi put blokiran dana 08.03.2019. godine, privremeni stečajni upravnik ističe da odgovorno lice stečajnog dužnika nije podnijelo prijedlog za otvaranje stečajnog postupka u roku od 60 dana od dana nastupanja platežne nesposobnosti u skladu sa članom 63. stav 7. Zakona o stečaju, te da isti niti u cjelini niti djelimično ne može nastaviti poslovanje u toku prethodnog postupka u skladu sa čl. 63. stav 3. Zakona o stečaju.

Društvo ne može ni djelomično niti u cjelosti izmiriti potraživanja povjerilaca, nema iskazanih potraživanja prema kupcima, nema pokretne ili nepokretne imovine iz koje bi se mogla formirati stečajna masa za podmirenje troškova, a što proizilazi iz Potvrde ZK ureda Općinskog suda u Tešnju br. 039-0-RZ-24-002745 od 06.12.2024.godine, Uvjerenja Službe za urbanizam, katastar i geodetske poslove Općine Tešanj br. 06-26-7-6851/24-2 od 06.12.2024.godine, Potvrde MUP-a ZDK, Odsjek za administraciju Tešanj br. 08-01-02/13-03-7-5524/24 od 06.12.2024.godine, Potvrde ASA banke d.d. Sarajevo, bez broja, od 23.04.2024.godine i Potvrde ASA banke d.d. Sarajevo, bez broja od 13.08.2024.godine.

Privremeni stečajni upravnik na osnovu navedenog je zaključio da postoje razlozi za otvaranje stečajnog postupka jer je utvrđena platežna nesposobnost dužnika, ali da društvo nema imovine pa ni za podmirenje troškova, zbog čega je predložio da sud pozove povjerioce i zainteresovana lica da predujme troškove vođenja postupka u iznosu od 5.000,00 KM, a u protivnom ukoliko niko ne predujmi navedeni iznos da sud otvori i istovremeno zaključi stečajni postupak i briše navedeno pravno lice iz evidencije privrednih subjekata.

Kako stečajni dužnik ima obaveze, a nema dovoljno imovine, pa ni za troškove stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioci i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane likvidatora procijenjeni na iznos od 5.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
SUDIJA

Protiv ovog rješenja nije
dozvoljena žalba.

STEČAJNI

Amela Sinanović, s.r.